

164 13 no. 2

CASSANDRE

FRANCOISE. 1615

14

FRANÇOIS, que faictes-vous ? Où auez vous les yeux ? Quel mauuais conseil vous precipite aux malheurs, que pourriez aussi facilement preuoir que moy, bien qu'esprise d'un saint enthousiasme, puis que le passé vous a monstré ou deub monstrer, combien vous sont domageables les alliances estrangeres trop estroitement contractees, & principalement celles d'Espagne ? La perte de vos enfans ; vos filles forcees ; le saccagement de vos villes, les sacrileges commis en vos saints Temples : bref la ruine entiere de vostre pays vous deuroient esmouuoir, puis qu'en tout cas vostre condition ne peut estre pire, bien que tout l'vniuers se bandast contre vous, pour de force vous contraindre d'effectuer, ce qu'à vostre malheur & desauantage de vostre Frâce vous auez promis. Je veux que y deussiez succomber, ce ne seroit à vostre deshonneur, puis que les vaincus sont contraints d'accepter telles conditions qu'il plaist aux vainqueurs. Mais vous ne voulez attēdre, vous estes vaincus sans coup ferir, & par crainte de ceux qui ne sçauent que fuir deuant vous, vous accordez ce qu'à peine vaincus on vous eust oīé demander ? Vous prenez en mariage vne desheritee, pendant le temps seulement qu'elle aura l'honneur d'estre compagne de vostre Roy, & semble par vostre accord que son pere luy donne en mariage le droit qu'il pretend sur vous.

Il n'en sera ainsi, vous vous en deporterez, ressentant ce qu'à peine encores, auuglez que vous estes,

vous ne voulez racognoistre, vous prendrez celle en France, qui seule digne de ce sceptre, semble auoir esté enuoyee de Dieu pour reunir vne branche de-
faillante à son tige: vous suiurez les cōseils de celuy que vous auez abandonnez au besoin: luy qui vray Decie auoit voüé & destiné sa vie au salut de son pays, lequel, bien qu'il se vist delaissé de vous, a neantmoins persisté en ses bons desseins, & seul a destourné vne fois le cours de vostre destinee, empeschant la perfection de ses alliances: qui seul a tousiours resisté à ses maudites & dangereuses viperes, qui non conten tes d'auoir tousiours possédé le cœur de vos Roys, ne taschent qu'à l'accroistre qu'avec la ruine entiere de leur mere.

C'ont esté de tout temps leurs desseins, ç'a esté autrefois le seul motif de leur sainte vnion: & pour cest effect vous ayant rauy (*sous esperance de leur mettre avec l'Espagnole ce noble Sceptre en main*) ces genereux Princes (*qui bien qu'estrangers, mais adoptez par vostre France, ne se sont iamais monstrez autres que bons François qu'en ceste occasion*) vous auoient mis en tel estat, que sans resistance, vaincus par vous mesme, vous fussiez tombez sous la tyrannie de celuy que vous auez tousiours craint, & hay plus que la mort, sans espoir de vous en releuer: si Dieu regardant vostre France d'un œil de pitié, ne vous eust enuoyé ce grand HENRY, qui non pour ambition de se voir vostre Monarque paisible, mais meu d'affection en vostre endroit, aimant mieux s'enseuelir aux cendres de sa patrie, que la voir reduite à supporter le ioug de son plus grād ennemi; a pris la cuirasse, a quitté le repos, pour avec les armes vous remettre, vous qui tiriez desia à vostre fin. Et par son soin, par les trauaux qui luy a fallu endurer, & a surmonté par sa vertu, assistée d'une grace

speciale de Dieu, qui recognoissoit la iustice de ses armes. Il vous a rendu le repos tant desiré, a appaisé les tempestes qui auoient presque perdu vostre nauire. Sa seule mémoire vous deueroit maintenant retirer de ces alliances Espagnoles, vous ayant tousiours monstté quelles alliances il falloit contracter, quelle amitié il falloit recercher des Espagnols, leur tenir le pied sur la gorge, releuer ceux qu'ils auoient atterrez, assister ceux qu'ils vouloiēt estouffer, estre ennemy de leurs amis, & amy de leurs ennemis, punir, quoy que grands personnages, & desquels il semble qu'on ait besoin, ceux qui en quelque façon leur fauorisent en leurs conseils, se laissans emporter à leurs promesses.

Ce sont les alliances qu'il vous a enseigné de contracter avec eux, non rechercher à son mespris & à vostre desauantage, ce qu'il leur auoit (quoy qu'ils l'en sollicitassent) si souuent desnié? Il scauoit bien que ce qu'ils en faisoient n'estoit que pour l'accommoder au tēps, ayans recogneu les pratiques qu'ils taschent d'auoir en France, & pour ce estant contraint punir celuy qu'il auroit appellé son second en la restauration de son Estat, pour donner crainte aux autres de ne se laisser corrompre & trahir avec eux leur propre patrie. Ce qui eust telle efficace, que les Partisans Espagnols pendant sa vie n'ont osé descouvrir les trahisons qu'ils couuoient dans leurs ames, estans contrains (quoy qu'Espagnols) se monstter bons François.

Mais il est mort, vos meschancetez en sont cause, ie n'en veux dire dauantage, ie suis Prophete ie dois parler de l'aduenir, non du passé: Il est mort, & ceux qu'on pensoit estre deuenus bons François, pour le peu d'effect qu'auoient eu leurs premiers desseins,

4

quittans l'habit duquel ils s'estoient masquez pendant sa vie, apres sa mort ont fait le plus grãd effort, que l'Espagnol (à qui ils n'attendoient que l'occasion pour le recompenser de tant de pistoles qu'ils ont receus de luy pour se corrompre eux mesmes & vos François) eust sceu desirer d'eux, luy donnant maintenant en mariage ceste France toute florissante pour sa longue paix, luy ayant voulu donner autrefois presque ruinee, pour les longues guerres qu'elle auoit enduré: C'est la recompense de sa trop longue attente.

Et encores les estimerez bons François ! zelez à vostre bien ! vous benirez leurs saintes intentions, eux qui n'ont autre but en leurs conseils qu'à vous ruiner ! Vous vous perdez, croyez moy, & si vous ne le faites vous sentirez bien tost l'eschet qu'a apporté en cest estat la mort d'Henry le Grand. Mais ie vois au cōtraire, vous faites des feux de ioye, vous passez les nuits en ballets & en dances, en esperance de ces pretendus mariages : Hé que pensez vous faire ! accorder deux peuples du tout ennemis ? plustost l'eau & le feu se mesleroyent ensemble, & meslez produiroient leurs effects, que le François peust compastir avec l'Espagnol. Le coq est du tout contraire au lyon, & a sa seule voix luy fait monstrier les talons & rabattre le feul de son courroux.

Mais ie me trompe, ie luy fais trop d'honneur ce n'est point vn lyon, c'est vn renard, qui est tousiours au guet pour attrapper vostre coq : tenez-vous donc sur vos gardes, & ce plustost quand il fera le doux : ses promesses ne sont que des desloyautez ; son visage riant ne cache que courroux ; ce changement qu'il monstre tout à coup est vn indice certain de quelque dangereux dufsein. Car qu'à il affaire d'alliance

si estroites avec vous, sinon que par tels apas il vous croit abuser? Ce n'est en luy que dissimulation, tousiours cōtraire de paroles aux effects, & est plus prest à faire l'un quand il a promis l'autre.

Retirez vous François quand vous pouuez, de peur que ne le pouuiez quand vous le voudrez. C'est vn mauuais compagnon qu'un renard, & vous estes trop francs pour l'auoir pour amy.

Et quoy, ne considerez-vous point ses desseins? Non, l'espoir du bien qu'on vous promet qu'il en viendra, vous offusque les yeux & quel bien pensez vous qu'il en doieue reussir? Vostre seule ruine, apres le reste de l'Europe, est la fin de ceste alliance, vous receurez de luy le bienfait que Polypheme promettoit à Vlysses, il vous ruinera les derniers, ce sont ses desseins.

La Flandre abandonnee de vous se verra bien tost surmontee.

L'Angleterre la suiura de prest, & sous pretexte d'estre bons Catholiques, vous exterminerez en vostre pays la religion pretenduë reformée, renouvelant les guerres qui vous auoient pensé ruiner, vous vous affoiblirez vous-mesmes, vous ruinerez de vos bons compatriotes. C'est ce que demand l'Espagnol pour paruenir a ses desseins, il sçait bien que seuls & quelques-uns d'entre vous sont exempts d'estre suspects de tenir son party, & ne se sont point encores (quoy qu'il l'ait voulu faire) laissez esblouir à l'esclat de son or. Je ne suis Huguenotte, mais l'experience me le monstre & la verité me contraint de parler ainsi.

L'Italie quand elle vous aura perdue ne resistera plus à ses armes. Il y commence desia, & laschement vous abandonnez vos allies.

L'Empire d'Alemagne se verra bien tost affermy à ce Renard, qui trompera mesme ses aînez, il restera la conquête d'Orient: Ce sera vostre part, le Pape vous en donnera le droict que vous vous promettez desia; vous promettra des croisades; l'Espagnol se voyant proche du succez de ses desseins vous y assistera; vous ne perdrez l'occasion, & assemblant en vn toutes vos forces vous vous y acheminerez, comme à vne victoire certaine; vous y conduirez vostre Roy pour le voir couronner au siege des Solymans, ou bien tost se trouuera la seul desnüé de tout secours, estant trahy des siens desia corrompus par l'Espagnol & abandonné de ceux qui luy pouissoient, toutes ses forces estant rompuës, il courra quelque bruiet de sa mort, on enterrera vn Suisse en son lieu, à la façon du Roy de Portugal l'Espagnol sur ce bruit (quoy que faux comme beau frere) rejettant vostre loy, sa ligue s'emparera de son trône, personne ne luy pouuant resister: vostre Roy reuient, ce sera vn faux Sebastien: ce sera vn Patissier ou quelque Calabrois, & le mettant en prison on luy fera miserablement finir ses iours.

Mais seroit trop long temps attendre pour vn tyran qui brulle de desir de se voir vostre Monarque, & qui met le but de tous ses desseins en vostre ruine il cherchera quelque plus cour moyen, il sçait que par son alliance vous estes contrains de quitter l'amitié de tous ceux qui vous sont de tout temps alliez, il sçait que pour cela ils sont du tout alienez de vous, Que fera-il? Il les sondera, & recognoissant leur mauuaise volonté en vostre endroit, les sollicitera à s'allier avec luy, il se preuadra du peu de fermeté & constance que vous auez en vos alliances, & pource se les rendra amis, cassera plüstot son Inqui-

sition ne se souciant du Pape que pour son bien, mettra liberté de conscience en ses pays, & en vn besoin prendra le turban pour vous ruiner; par ces moyens les ayans gaignez les bandera contre vous, les portera à se vanger du tort que leur auez fait de les auoir abandonnez les aidera de ses forces, vous ne subistez point, estans trahis des vostres & delaissez de tous, & alors ce Renard qui qu'estoit il y a long temps ceste proye, vous voyant oppressez d'un costé cherchera quelque pretexte a son ambition, pour acheuer de ruiner & mettre fin-à ceste belle Monarchie, conduite à telle periode pour auoir esté trop credulle, pour auoir trop cherché le repos, & n'auoir voulu croire ceux qui ne luy conseilloient que son bien.

Quoy François ne preuoyez vous point cela? Estes vous si abestis que vous ne vous ressentiez plus des maux qu'il vous a faict? Auez vous desia mis en oubly sa tyrannie & l'vsurpation de Nauarre? Ne vous souciez vous plus de vostre Souueraineté de Flandre? de vostre Duché de Milan & Royaume de Naples, qu'il tient à la honte de vos peres, qui y ont tant employé de forces? Ne scauez vous plus les indeuës pratiques qu'il a tousiours sollicité en vostre France? Luy pardonnez vous la corruption de vos genereux François, qu'il pensoit estre vos seuls Lyons Mais il se trompoit, la France estant aussi coustumiere iusques icy à engendrer des Lyons que l'Espagne des Cerfs. Estimez vous qu'il ayt si tost changé le naturel de ses peres? Ne voyez vous pas qu'il ruine maintenant vn Prince, sans auoir esgard aux alliances qu'il auoit aussi estroictement contractees que vous, & que s'il trompe les hommes pour Piedmont, tromperoit Dieu pour la France?

Mais ie le vois, vous n'estes plus François, vous n'estes plus libres, vous ne demandez que le repos qui qu'il vous le donne, & ne vous souciez à quel maistre vous seruiez, vous n'estes plus de ces François, qui ont de tout temps esté estimez pour l'affection qu'ils portoient à leur Roy; qui ont tant de fois respendu leur sang pour maintenir ses droicts, fermans les yeux à toutes autres considerations: Non, non, vous ne tenez rien de vos peres, vous estes Argyranthropes, soldats d'Eumenes, vous trahiriez vostre Prince pour vostre profit particulier, & en cela ie recognois que vous estes au declin de vostre Empire; il faut qu'elle perisse, ceste Monarchie, personne n'y peut, ou n'y veut donner remede, ceux qui le conseillent sont blasmez, ceux qui y taschent sont estimez criminels de leze Majesté, ceux qui en parlent sont perturbateurs de l'Estat: vous estes donc venus à vostre fin, puis qu'on n'y ose donner remede, tout s'y accorde, ie ne voy rien qui y repugne.

On auoit conuocqué les Estats genereaux, remede à la verité fort certain pour reestabli vn Estat, si leur Conseil eust esté libre, & n'eussent eus crainte d'outre passer ce que le plus fort leur demandoit, & ceux à qui deuant que pouuoir estre esleuz, il auoiēt vendus & promis leurs voix, n'osans proposer que ce qu'il leur auoit esté par eux commandé autresfois, il vous ont reestably. Mais ce sont eux maintenant qui les premiers ont tracé le chemin à vostre ruine: le Clergé, vous ayantourny de beaux pretextes pour mettre à couuert les assassins de vos Roys mais ie me trompe; ce ne sera plus contre vos Princes legitimes: ce sera contre quelques tyranneaux usurpateurs de vostre Empire. ouïy ce sera contr'eux

Vos

vos Roys deffillant bien tost, si selon leur proposition vous vous rendrez esclau de l'Italian que vous auez tousiours esprouué variable, qui n'est amy que pour le bien, ou le mal qu'on luy peut faire: & ne se soucie plus de vous, voyez le: vous qui luy auez donné son premier patrimoine: mais il ne faut tenir ce discours: tous les Empires du monde, ayant esté en leur disposition depuis S. Pierre, eux qui estoient quelquesfois bien aise de trouuer leur estenduë de terre pour euitier la furie des Empereurs. l'honore le S. Siege en toute spiritualité, mais il s'en fait trop accroire au temporel. Quoy? approuuer ne tenir vostre Estat que de luy, vous n'estes point asseurez d'auoir tousiours vn Paul: il faut craindre vn Boniface, vn Sixte, ou autres, ausquels il ne faudroit qu'une boutade, se voyant se pouuoir en main, si vous leur desplaisez en quelque chose: Si l'Espagnol leur comandoit, il vous confisqueroit vostre Empire, comme fauteurs de l'heresie, ils luy donneroient pour butin en cela qui y pretendra plus de droit qu'un autre estant vostre Beau-frere, & par la Bulle casseroiēt plustost vostre Loy Salique, comme inegale & inhumaine, il seroit aussi le plus fort, ayant corrompu & corrompans tous les iours les plus grands de vostre Estat, mesme la plus part de vos François variables & inconstans, qui n'ont pour estre que le changement, ne demanderoient autre chose: & se voyant absouz de la crainte qui leur reste, d'outre-passer la foy qu'ils doiuent à leur Roy, donneroient pour pretexte à leur desloyauté de ne vouloir encourir la rigueur du foudre d'Italie.

Vous y commencez, François, & tous les iours, quelques vns d'entre vous, poussez de ses raisons diaboliques (comme confirmées par la voix de tout peuple, pour le peur de resistance qu'on y fait, & le

tacite & muet consentement qu'on y presse, pour le peu de recherche qu'on a fait des auteurs execrables des parricides des Henrys, s'osent attaquer à la sacrée personne de vostre Roy, exempt pour son bas aage de commettre ce pour quoy selon eux, il seroit permis de le tuer, si ce n'est que la Couronne seule leur face entreprendre ses desseins.

Vous en verrez bien d'autres, si en reiectant ces maudites propositions du Clergé, vous n'en punifiez les auteurs qui vous ont ozé menacer de la mort de cent mille hommes, & de la ruine de vostre Estat si vous ne les ratifiez, mais excusez les, ils ont combattu pour leurs droicts, ayant esté par bulle expresse du Pape, naturalisez Italiens en esperance de pouuoir vn iour participer à la Chaise de S. Pierre.

Et crois aussi que vostre Noblesse pour mesme fin à intention de prendre vn iour le chapeau rouge, & de vray elle l'a bien meritée, & l'aura, ayant avec tant de passion moyennant aussi des pensions, soubstenus les droicts Papistres pour diminuer ceux de leur Roy.

En quoy vous voyez pauvres, François, combien vous estes delaissez, puisque ceste Noblesse tant esloignée de l'affection naturelle de leurs peres au seruice du Roy & de leur pays, bastarde, il le faut, de ces genereux François, qui ont autre-fois troublé toute l'Italie pour l'en deraciner: s'est rendu faultrice d'une si dânable maxime, seule capable de bouleuerfer l'Empire le mieux estably qui soit au monde, & m'estonne comme elle a peu trouuer lieu dans l'ame de ceste Noblesse, qui pour ceste cause a quitté le surnom qu'elle auoit obtenu par tant de victoires, & pour s'estre tousiours monstrée affectionnée à maintenir les droicts legitimes de son Roy: elle la cédde, ce beau nom de conseruateur de l'Estat, encores à ceux de qui elle n'auoit auparauant iamais

tenu compte audit tiers Estat, lequel s'estant mon-
stré vrayement Noble & seul digne, pour ce temps,
du nom François s'est roidy, assisté de vostre premier
Prince, & de vostre Cour de Parlement, qui y con-
tinuent encores tous les iours à maintenir les droits
de sa Majesté, pensans soustenir en cecy quelque peu
ce grand edifice, & n'estant toutefois assez forts, ont
succombé, afin que le cours de vostre destinee ne
fust empesché.

Car il faut qu'il perisse cest Estat, il a trop long
temps duré, & sera en ce temps plustost qu'en nul
autre : puis que vous ne tenés que du Pape, lequel
desia tous les ans en sa bulle, *In Cœna Domini*, excom-
munie vos Roys, comme fauteurs de l'heresie.

Vostre fin est donc venuë, la Prophetie de S. Remy
s'y accorde, tant que vos enfans rendront la iustice,
(ce dit-il) vostre royaume florira : & en quel temps
la iustice a elle esté moins rendue qu'en cestuy-cy ?
tout est plein d'iniustice, brigues, monopoles & cor-
ruptions. Ceste belle Astree Françoisise est toute chā-
gee. Elle a quitté son bandeau, elle voit clair, elle a
retenu l'espee pour punir les pauvres qui n'ont peu
par leur argent, s'exempter des peines deues à leurs
crimes ; elle retient la balance, non pour peser les
raisons de l'une & l'autre partie, mais pour scauoir
par le poix qui plus luy donne ; elle n'est plus vestue
de rouge, sa robe est bigarree de Cameleon pour
pouvoir receuoir les couleurs que sa passion luy de-
mande ; ce n'est plus elle qui preside, l'auarice s'est
emparee de son siage, l'ambition & la luxure domine
le Cœur de ses Pontifes, ils n'ont rien de reiglé, tout
y est en desordre selon leurs appetits : Tous particu-
liers, personne publique, si ce n'est vostre Cour des
Pairs, qui assistee d'un Theopompe, qui a tousiours
cherché les moyens de vous remettre sans craincte

d'encourir la haine de ceux qui pour maintenāt tien-
nent vostre timon & seuls sont cause de vostre mal,
taschent par ses iustes remonstrances, ne pouuant
autre chose, d'exterminer les abus qui se commettēt
au conseil de vostre roy, & monstre par perseueran-
ce en ce dessein, que non point la Pollette, mais la
preignante douleur qu'elle ressent d'un si grand des-
ordre l'a poussé à s'assembler tant de fois n'ayant de-
sisté, bien qu'on luy promist la continuation de ce
pourquoy on croyoit qu'elle s'assemblast.

Ce petit nombre François, seul desirieux de vostre
bien, vous doit monstre en quel estat est vostre
France, puis que la Prophetie de vostre ruyne estant
venue, ce seul Parlement ne la pouuant empescher
pour en faire plustot arriuer les effects, vous con-
tractez, non sans honte de destruger à vos peres, avec
le plus cruel ennemy qu'ils ayent iamais eu, & non
contens de ce pour plustot vous ruiner, vous vous
rendez sieffez de l'Italian, esclau de l'Espagnol qui
par droit de felonnie depossedera bien tost vos
Roys, pour vous acquerir à son maistre.

Vous perirez donc, toutes choses vous le predi-
dent, si vous ne me croyez, qui Prophete enuoyé
de Dieu, vous annonce la ruyne de vostre estat, si
vous ne vous conuertissez, si vous ne coupez le che-
min aux malheurs qui vous tallonent de si pres, que
si vous ny mettez bien tost la main, il vous sera à la
fin impossible d'y remedier.

Vous estes dites vous prest d'y resister, & plu-
stost vous enseuelir dans les cendres de vostre pays,
mais vous demandez vn chef: entreprenez seulemēt
& ne suivez en cecy que celui qui s'y est offert y a si
long temps, qui bien que ieune d'ans monstre plus
de maturité en ses conseil, que ceux à qui en le lais-
sant, vous avez iusques à present voulu croire.

Vous ne metromperez pas Prince de Bourbon, mais ie desire aussi de vous que ne vous en departiez à la premiere resistance qu'on fera : ce seroit peu de l'auoir entrepris, si vous ne le mettiez à effect, vous vous deuiez proposer dès le commencement d'y auoir pour ennemis les plus grands de cest Estat : & quoy, pour crainte des traux qu'il y conuient endurer, quitteriez vous vostre patrie en vn si grand besoin ? qui ne vous demande que ce que legitiment vous luy deuez ; si vous voulez estre tel que vostre qualité porte, elle est deliberee de faire & souffrir toutes choses, pour le seruice du Roy & de vous ne reculez donc point, mais assistant vostre ieune Hercules-Gaulois, seruez-luy de Thesee, pour destourner les malheurs de toutes mes predictions qui sont certaines, si l'on n'y remedie, aydez-le & il interposera son autorité à vos conseils. Quand à vous, Sire, vostre bas aage ne vous peut seruir d'excuse, pour ne supporter tous les traux qui se presentent, ayant mesmes vn Thesee pour second : vous estes fils d'un Iupiter, qui en pareil aage commandoit aux armées : Vous tenez le Sceptre des Francois, qui n'ont accoustumé d'obeyr qu'à ceux qui par leur vertu scauent commander, & encores en ce temps qu'ils ne tiennent pour maistres, que ceux qu'ils craignent ou qui leur font bien ; qu'ils sont si chatouilleux en leurs opinions qu'ils tornent incontinent au mal ce qu'ils deueroiēt prédre a bien ; ne voyez-vous pas que de leur langue enuenimee, ils s'osent attaquer à vostre Maiesté, voulant des son commencement ternir vostre grâdeur : prenez y garde, vostre France mesme vous est vne marastre, qui vous enuoye des vostre enfance des serpens lesquels si vous n'estouffez bien tost, monstrant que vous estes vn S. Louys, non vn Charles le simple, pourroient tellement infecter vostre nom de leur venin qu'il vous seroit à la fin impossible d'y remedier : monstrez vous vn Hercules des vostre bas aage, pour pou-

uoir supporter les trauaux que ceste Marraſtre vous met deuant les yeux, vous auez trouué vne Pallas ce ſage Parlement, pour conſeil, & vn Theſee pour ſecond, il vous ſeront faciles.

Vous y trouuerez en teſte vn Cerbere, les 3. Eſtats de ce royaume qui n'ont eu autre but en leurs propoſitiōs qu'à vous ruyner; qu'à vous rendre tributaire des hommes, vous qui ne tenez que de Dieu, & qui ſera ſi vous ny prenez garde, la premiere cauſe de voſtre mal. Luy qui deuoit eſtre, ſ'il euſt bien fait, les eſtabliſſemens de voſtre Eſtat, qui ſ'eſt oſé attaquer à celui lequel apres voſtre Sacree perſonne & de Monſieur voſtre frere, a le plus d'intereſt à la cōſeruation de cet Eſtat. Ne l'a-il pas meſpriſé de ſes cris impudens pour auoir voulu ſoute- nir vos droits? N'a-il pas taſché de le rēdre criminel en v. endroit? N'a-il pas en voſtre preſence de ſes trois diuerſes teſtes vomy contre luy vn venin tout different? mais vous l'aurez bien toſt ramenē à la raiſon, continuant l'amitiē que vous monſtrez luy porter, & l'honneur que luy faites de le deſirer touſiours au pres de vous, pour le ſuiure en ſes Conſeils, d'autant meilleurs que celui des autres, qu'il y a plus d'intereſt.

Vous y aurez à cōbattre des oyſeaux ſtympthalides, qui enuieux & eſtrangers empelchent que les François ne ſe reſſentent des rayons de vos liberalitez.

Vous y aurez à punir des Dromedes, qui ayant mis tout leur Patrimoine en la tyrannie affectee de leurs offices, ſuccent tout le ſang du pauvre peuple, qui abusé court à eux comme à leur refuge, pour en entretenir leurs cheuaux & carroſſes.

Il ſuiura vn Eurithe, qui na ſeruy que d'inſtrument à Iunon pour vous perdre, & Theſee qui doit par vne punition exemplaire, pour auoir par ſes conſeils preſque renuerſé voſtre Eſtat, monſtrer le chemin à beaucoup d'autres, il vous ſera facile de le conduire à telle fin tout

honteux de se voir frustré de l'heureux succez, qu'il es-
peroit en ses desseins: pour suiuez-le, vostre Parlement
vous y appelle, le peuple, las des pilleries qu'il a exercé
sur luy, vous y conuie.

Ayant ainsi avec l'assistance de vostre Thesee terracé
tous ces monstres, qui de diuerses natures, couuent
dans leurs corps François vne ame Espagnole; qui ne
sont nez qua vostre ruine; qui créatures de l'Estranger,
ne vous pousse qua ce qui leur profite; vous aurez bien
tost rangé celuy qui ne se fie en ses desseins, qu'à leur
corruption, ce Lyon rougissant qui ne tasche qu'à vous
nuire, qu'à vous deuorer vos François, & par son or leur
oster le reste de l'affection qu'ils vous peuuent porter,
qui ayant mesme vne Hydre en France, a fait que par les
conseils de ceux qu'elle auoit enuenimé, vous auez con-
tracté avec luy des alliances en ce encores plus dange-
reuses que maintenant pour vous tromper, il quitte sa
peau de Lyon pour prendre celle d'un Renard.

Ne vous fiez point, mon Roy, en ses promesses, quit-
tez son amitié, soyez son ennemy, luy qui a voulu il n'y
a pas long temps deposseder le feu Roy vostre pere du
sceptre que vous tenez à present: craignez l'effect en
vostre endroit.

Et pour-ce reiettez au plustost ceste Dejanire, qui ia-
louise de vostre bien, vous donnera vn iour si vous la re-
tenez, vne chemise infectee de son venin d'Espagne, qui
sterille, comme c'est leur coustume, fera faillir vostre ra-
ce en vous mesmes.

N'allez chercher en pays estrange vne femme, vous a-
uez en France vne Hebe qui vous attend, c'est elle seule
qui doit estre & sera vostre compagne, qui vous rendra
immortel par la posterité qu'elle vous engendrera, la-
quelle bien que vostre parété vous pouuez espouser sans
aucune dispence. C'est elle de qui les peres vrais enfans
de Bourbon, n'ont iamais euz autre but que le bien de la

Couronne, qui seule vnique delaissee par l'vne de vos branches, peut apres vos longs trauaux vous faire cueillir les pommes Hesperides.

Croyez moy, Cassandre, qui ne sçait que c'est que mēsonge, vous le dit qui vous predits la ruyne entiere de V. Estat, la perte de v. Couronne, si vous persistez en ses alliances encommencees, qui sont la fin & le commencement des malheurs qui penchent sur V. teste, & au contraire, qui ne nous promets que bon heur, que victoires, que triumphes, bref, tout ce qu'un Roy biē aymé de son peuple, & qui est prompt a executer ce que Dieu luy cōmāde, peut iustemēt desirer, si vous recepuez pour compagne de V. Sceptre, celle qui dediee à feu Monsieur V. frere apres sa mort, n'est demouree que pour se voir vn iour vostre espouse legitime: qui par ses yeux brillans, & son visage plus parfait que celui d'une Deesse; qui par sa douce & agreable parole, surpassāt de beaucoup celle des Nymphes, vous deueroit si vous n'estes autre que les dieux mēme attirer à elle: qui de surplus vous aporte en la prenāt à femme plus de domaines qu' Estrāgere, telle qu'elle soit maintenāt au monde vous pourroit donner.

Et encores vouloir prendre vne Maure desheritee & sans bien la quittant là: Elle qui avec sa beauté vous rendra possesseur legitime du patrimoine de vos ayeuls, Messeigneurs de Bourbon & du pays dont vous portez le nom.

Ne pensez point en auoir d'autre avec la volonté de ce grand Dieu qui vous commande par ma bouche de la choisir seule entre toutes si vous ne voulez endurer toutes les punitions que Princes refractaires de ses commandemens sçauroit craindre.



